

庭明年秋屠耆單于使日逐王先賢揮兄右奧鞬王爲

烏藉都尉

師古曰揮音纏奧音郁鞬音居言反

○各二

萬騎屯東方以備呼韓邪單于是時西方呼揭王來與

唯犁當戶謀

師古曰揭音丘例反唯音弋癸反

共讒右賢王言欲自立

爲烏藉單于屠耆單于殺右賢王父子後知其寃復殺

唯犁當戶於是呼揭王恐遂畔去自立爲呼揭單于右

奧鞬王聞之卽自立爲車犁單于烏藉都尉亦自立爲

烏藉單于凡五單于屠耆單于自將兵東擊車犁單于

使都隆奇擊烏藉烏藉車犁皆敗西北走與呼揭單于

兵合爲四萬人烏藉呼揭皆去單于號共并力尊輔車